



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Lacrimæ Orbis Universi, Post Primam Protoparentum  
nostrorum E Paradiso Exulum culpam, exortæ, In  
Universim Genus Humanum, traduce reatu propagatæ,  
Ruptis animorum abyssis, Laxatis cordium fontibus, ...**

**Schmucker, Mathias**

**Glacii, Anno 1689**

Caput Quartum.

**urn:nbn:de:hbz:466:1-38152**

# CAPUT QUARTUM SYNOPSIS CAPITIS.

**P**rimò Rupertus & Hugo putant hoc capite Jeremiam plangere excidium Hierosolymæ per Titum Romanos, quia ejus causam affert v. ult. Scilicet quod Christum occiderint. Secundò Hebræi Lyranus & Dionys. putant eum plangere necem Iosifæ optimi Regis quæ fuit causa ruinæ & excidii Iudæorum: quia ceteri cesserunt impii filii, qui sua impietate Rempublicam everterunt: & sic: v. ult: per Christum accipiunt Iosifam. Tertio Paulus Burgenfis, censet Prophetam plangere templi & cultûs divini everfionem. Quarto verius milius Theodorus, Hugo, Bonaventura, Dionys. censent eum lugere lapsum Urbis & Templi, ac totius populi, præsertim nobilium Iuvenum v. 2. Lactantium v. 3. Nazaræorum v. 7. mulierum coquentium filios v. 10. ex statu tam felici, in tam miserum & infelicem: idque primò & propriè per excidium Chaldæorum, deinde per excidium Romanorum. Inde v. 20. obiter volat ad Christum: ac v. 21. Cladem minatur Idumæam ac Iudæos spe melioris fortis consolatur. Tropologicè deplorat lapsum animæ fidelis, & ruinam per peccatum, quæ multò miserabilior est clade Hierosolymæ.

I.  
Aleph. vers. 1.  
**H**eu me! quàm tristi ter-  
reor  
Rerum metamorphosi!

Hanc fari, tremens vereor  
Apta hypotyposi!  
Quam nulla mens concipere  
Nec os enunciare,

M Nec penna valet scribere,  
Nec dolor explicare.

2.

Pallens tremo, arundinis  
Intar lacu fluentis,  
Aut fluctu navis, fluminis  
Marisve pulsæ ventis,  
Cor flaccet! riget animus  
Attonitus stupore,  
Hæret lingua, & calamus  
Siccatur amarore.

3.

Quo tanto Magnum crimine  
Numen exacerbatum,  
Ullo sine discrimine  
In pœnas obfirmatum,  
Manum extendit vindicem  
In populi ruinam,  
Servum plectens & Principē  
Urbemque in rapinam?

4.

Quis templum cæli æmulum  
Auro irradiatum,  
Illud orbis miraculum  
Ubique diffamatum,  
Raro metallo splendidum,  
Gemmisque pretiosum,  
Vastatum igne, luridum  
Fumoque est umbrosum?

5.

aurum carbonem induit,  
Et anthracem argentum,

Gemma in lutum sorduit,  
Et lapis in cæmentum,  
*Mutatus color optinus*  
Tam nobilis metalli,  
Factus pulvis vilissimus  
Sub ungula caballi.

6.

Gemmæ, torques, monilia,  
Sacra veitis ornatus,  
Magni RATIONALIA  
Splendor Pontificatus,  
Armillæ, spiræ, annuli,  
Et mitræ, & tiaræ,  
Sunt præda facta populi  
Destructi, foci, aræ.

7.

*Et Lapidés, gregarii*  
Satellites turmarum,  
*Sparserunt sanctuarii*  
*In fronte platearum,*  
*Sancta sanctorum pedibus*  
Prophanis conculcantur,  
Et adyta parjêtibus  
Collapsis revelantur.

8.

*Beth, vers. 2.*  
Flos Iuventutis, *Inclita*  
Progenies *Sionis,*  
Pubes, ætate Florida  
Formosi Abialonis,  
Crine Scintillans aureo  
*Auroque primo cincta,*

Bb

Vultu

Vultu candens eburneo  
Et labra rosincta.

9.

Heu ! quomodo tam nobilis  
Tam comis pulcritudo,  
Est facta despicabilis  
Et Urbis turpitude?  
Ver illud vitæ floridum  
Delitium ætatis,  
Est torpe, fœdum, luridum  
Porcentum vanitatis?

10.

Hæc illa *vasa aurea*  
Gemmisque pretiosa,  
Mutata sunt *in testea*  
Et vascula lutosa?  
*In trullas manu figuli*  
Fictas, refictas, fractas,  
Ac demum instar sabuli  
In pulverem redactas?

11.

Ghimel. *vers.* 3.  
Crudeles feræ lamia  
Mammæ denudaverunt,  
Desertis in Arabiæ  
Et natos lactaverunt,  
Et in solitudinibus (a)  
Lac catulus dederunt  
Dracones, ab uberibus  
Qui matrum pependerunt.

12.

An Sævior Draconibus  
Et feris Africanis?  
Silvestribusque canibus  
Et Syriæ Hyænis?  
Sit meæ gentis *Filia*  
In suos ferox natos?  
Excors, ausa crudelia  
Mater in trucidatos?

13.

Ausa mucroneu mergere  
In jugulum suorum?  
Et miserandum cernere  
Agonem filiorum?  
Nullis immalescentibus  
Luminibus dolore?  
Ad grande crimen senibus  
Nullo tactis dolore?

14.

Omnémne mentem exuit  
Et sensum rationis?  
Ergone duram induit  
Naturam *Struthionu*?  
Qui, quos per ova peperit  
Exclusos in arena  
Neglectos pullos deserit  
Ceu probra aliena?

15.

Daleth. *vers.* 4.  
Infanti mater uberum  
Expectorat mammillas,

(a) Philostr. apud Cornet. (b) Cornet, Ibi.

Et ad arentes puerum  
 Insinuat papillas,  
 Hic nil lugendo proficit,  
 Cùm latex desit fonti,  
 Sed matris premens, deficit,  
 Osori, frontem fronti.

16.

Anhelat succum parvulus  
 Hiante sic cus ore,  
 Sed nullus stillat rivulus  
 Amisso sinûs rore,  
 Labella rigent pallida  
 Ad uberum canales,  
 Trahûntque siti arida  
 Singultus mortuales.

17.

Adhaesit lingua pupuli  
 Lactentis ad palatum,  
 Et epiglottis juguli  
 Ad guttur exsiccatum,  
 Cum morte luctans anima  
 Cùm vellet flens migrare,  
 Non erat unde lacrima  
 Se posset eliquare.

18.

Tenella turba, parvuli  
 Annis solidiores,  
 Etate bimi, trimuli,  
 Quadrimulis majores,  
 Jam docti crustam mandere  
 Expetierunt panem,

Nemo erat qui frangere  
 Per tantam vellet famem,

19.

He *vers.* 5.

Voluptuosis epulis  
 Aetheti convivari,  
 Et pretiosis poculis  
 Ad luxum satiari,  
 Diei noctes jungere  
 Prandendo & cœnando,  
 Jentacula præmittere  
 Merendis coronando.

20.

Hi Persica paropside  
 Sumptaque impinguati  
 Grandi famis tyrannide  
 In monstra deformati,  
 Ad nauseam quos faties  
 Impleverat ciborum,  
 Hos miseranda macies  
 Extenuat membrorum.

21.

Umbrarum instar ambulant  
 Pallore luridarum,  
 Fragmenta panis supplicant  
 Et cymbium aquarum,  
 Nec hæc dantur famelicis,  
 Hinc siti *corruentes*  
*In vis* passim publicis  
 Exspirant sitientes.

B b 2

20. *Qui*

22.  
*Qui croceis, & cocceis*  
*Nuper nutriebantur,*  
*Argenteis & aureis*  
*Pallis vestiebantur,*  
*Pro Coa veste stercora*  
*Lutūmque amplexati,*  
*Et ut fetola pecora*  
*Fimeto volutati,*

23.  
*Vau. vers. 6.*  
*Fœtor cælum ascenderat,*  
*Libidinum mephitis,*  
*Et clamor increbuerat*  
*A reis Sodomitis,*  
*Movère cælos crimina*  
*In meritam vindictam,*  
*Pluentes Sulphur, fulmina*  
*In gentem maledictam.*

24.  
*Magna fuit calamitas*  
*Pentapolis crematæ,*  
*Horribilisque vastitas*  
*Urbis incineratæ,*  
*Ast nulla pœnæ paritas*  
*Noxis Sodomitarum,*  
*Quam patitur iniquitas*  
*Culpæ, Solymitarum.*

25.  
*Prægnantes nimbi sulphure*  
*Et ignium torrentes*

Bihorio vix tempore  
 In cædem irruentes,  
 Fudère picis pluviam  
 Brevi Urbis lamento,  
 Excidii tragædiam  
 Claudentes *in momento*

26.  
*Ut alta cedrus Salices*  
*Et Platanus genistas,*  
*Pufillas palma carices*  
*Et Populus aristas,*  
*Oceanus ut flumina,*  
*Et hæc excedunt fonta*  
*Pygmæa terræ culmina*  
*Galpe, Pindúsque montes*

27.  
*Sic Solymæ calamitas*  
*Excedit Sodomorum,*  
*Cui nulla par est gravitas*  
*Nec numerus malorum*  
*De hac nil dignum dicere*  
*Tantum licet stupere:*  
*Angi, tristari, gemere,*  
*Queri, dolere, flere.*

28.  
*Urbis hujus mœstitias,*  
*Dolores, & terrores,*  
*Agones, & angustias,*  
*Et mortis anarores,*  
*Non unus solis circulus*  
*Orbem perambulantis,*

Nec Lunæ fixit oculus  
Noctis faces lustrantis.

29.

Longa Urbis vallatio  
Exercitûs Chaldæi,  
Murorum expugnatio  
Montisque Sionæi,  
Fames, fitis, vallatio,  
Plagæ, cædes, rapinæ,  
Constans fuit afflictio  
Jugis carnificinæ.

30.

is Sodomæus clibanus  
(Accensa cælo pyra)  
Diei fuit terminus.  
Quo Dei sævit ira,  
Hic nulla manus hostica  
Peccantibus vim fecit,  
Nec mancipis vulnificia  
In vincula conjecit.

31.

in extensam Solymæ  
Excidii ruinam,  
Tormenta quot, quot lacri-  
mæ  
Malorum in sentinam  
Inam fluxere; omnium  
Scopum miseriarum,  
et veluti compendium  
Cunctarum ærumnarum.

32.

Zain. vers. 7.

Hoc periit exitio  
Decoris flos Hebræi,  
Candidiores lilio  
Nivæque Nazarei,  
Amænis grati vultibus  
lacte nitidiores,  
Super ebur rubentibus  
Saphiro pulchriores.

33.

Pallis devoti crimibus,  
Ut sacri Deo sponsi,  
Nulli tacti forficibus  
Novaculæque tonsi,  
Amicti veste byssina  
Argento picturata,  
Et zona hyacinthina  
Cincti, auro striata.

34.

Hæc illa vultus raritas,  
Augusti splendor oris,  
Hæc corporis amœnitas  
Et gratia coloris,  
Hæc lactea formositas  
Eburnea venustas,  
Hæc nivea hilaritas  
Saphirtua majestas.

35.

Heth. vers. 8.  
Versa in turpitudinem,  
Abominationem.

bb 3

In

In fumeam nigredinem  
Contaminationem,  
Super carbones , facies  
Eorum denigrata,  
Pulcrâque frontis species  
In Maurum deformata.

36.

Nulla , virgo caesaries,  
Tonfore violata,  
Et cinnorum acies,  
Forficibus vastata  
Sordet, sine discrimine  
Fœdis plicis implexa \*  
Sine lege & ordine  
Neglecta & implexa.

37.

Sacrorum cultus vestium  
Et corporis ornatus,  
Par gausapæ agrestium,  
Aut vilis mancipatûs,  
Nullum inter gregarios  
Discrimen est Judæos,  
Et inter honorarios  
In vicis Nazaræos,

38.

Non sunt in foris cogniti,  
Nec agniti plateis,  
Mœrore , planctu luridi  
Flentes in propylæis,  
Exhausti fame , corticis  
Instar , cute rigentes,

Exsuccis , instar pumicis  
Aquæ siti arentes,

39.

Adhæsit cutis ossibus  
Pænè emedullatis,  
Membris cunctis torpentibus  
Nervis succo privatis,  
Et quasi lignum aruit  
Pellis emaciata,  
Et virium contabuit  
Virtus mortificata.

40.

Teth. vers. 9.

Felices , furor hostium  
Quos morti immolavit,  
Quos mucro sævientium  
Armorum jugulavit,  
Ah melius ! ah satius !  
Fuit ferro enectis ,  
Malesuadæ crudelius  
Quàm fame interfectis.

41.

Felices fuso sanguine  
Qui strati perierunt,  
Quid , famis magnitudine  
Sit premi , nescierunt:  
Qui sicci instar funeris  
Vivi extabuerunt,  
Et in morem cadaveris  
Consumpti putruerunt.

42. Nulla

\* Plicæ sunt morbus capillaris.



42.

Nulla belli crudelitas  
Tanta immanitate,  
Agrorum ut *sterilitas*  
Annonæ charitate  
Sævit, furens in corpora  
Humana & ferina,  
Hortos, prata, & nemora  
Dum decoquit pruina.

43.

Iod. *vers.* 10.

Quid unquam horribilius  
Sol arbiter spectavit?  
Improbis, immanis,  
In Orbe toleravit?  
Quin protinus occuleret  
Sub atra nube lumen,  
Netantum testis cerneret  
Apertæ vultu crimen?

44.

Quidam lamentabilius  
Mens amens impiavit?  
Quid dextera crudelius  
Materna perpetravit  
Unquam? sibimet impia,  
Invisa, violenta?  
Ut filios in prandia  
Trucidet truculenta?

45.

Nullumne inter hominem  
Et pecus est discrimen?

Ergon' naturæ ordinem,  
Et fas transire limen?  
Ergon' materna viscera  
Parentes exuerunt?  
Ergon' humana fœdera  
Excordes disruperunt?

46.

Amor matrum exercuit  
Tyrannidem natorum,  
*Misericordes* docuit  
Dolor, cædem suorum,  
Magis pium recondere  
Credentes in se natos,  
Quàm longa fame cernere  
Sitique cruciatos.

47.

Major fuit calamitas  
Videre sic perisse,  
Minor fuit improbitas  
Coxisse & edisse:  
Sic idem matris uterus  
Qui vivos mundo dedit,  
Defunctis rursus tumulus  
In sepulturam cedit.

48.

Hanc populi *contritio*  
Abominationem,  
Longa fecit afflictio  
In desolationem,  
Ut citius eriperet  
Longæ per cædem morti,  
Finemque morte faceret  
Tam miserandæ sorti.

bb 4

49. Nu-

49.

Caph. *vers.* 11.  
 Numen ad hanc supplicii  
 Catastrophæ coëgit  
 Ingens moles flagitii,  
 Quam populus collegit  
 Suo rebellis Domino:  
*Completit hinc furorem,*  
 Pleno mensuræ termino  
 In mortis amarorem.

50.

Completit: & ut fluvium  
*Suam effudit iram*  
 In icelerum diluvium:  
 Arcemque velut pyram  
 Flammis Sion ultricibus  
*Incendit, munimenta*  
 Vastavit diris ignibus,  
*Voravit fundamenta,*

51.

Lamed. *vers.* 12.  
 Cuscumque nota mania  
 Robusta Solymarum,  
 Suggestus, & proscenia  
 Muralium fossarum,  
 Quadro firmata marmore  
 Turres fastigiata,  
 Miroque artis robore  
 In petram solidatæ,

52.

In gyrum ambientia  
 Urbis substructiones

Vasta mole, ingentia  
 Castella, legiones  
 Solo suo munimine  
 Hostiles propulsura,  
 Castrique fortitudine  
 Vim omnem elusura,

53.

Qui viderit miracula  
 Regalia murorum,  
 Stupenda propugnacula  
 Portentaque vallorum,  
 Intra muros pomceria  
 In ordines dimensa,  
 Dicit: Orbis Imperia  
 In Urbem hanc impensa

54.

Quæ? quanta? qualis? possit  
 Et fabrica portarum?  
 Insultus impetentium  
 Fractura balistarum?  
 Ruptura & arietes  
 Et machinas curules,  
 Quas hostis in parietes  
 Immitteret murales,

55.

Vis nulla, nec potentia  
 Visa debellatura,  
 Arte firmatam Martiâ  
 Imperviam naturâ  
 Hanc molem; hinc ludibria  
 Sunt visa Chaldæorum,  
 Jactantium opprobria,  
 Minas, & vim armorum.

56. Delir

56.

Deliria sunt Regibus,  
Principibus, Dynastis,  
Et joca sacerdotibus  
In saxum obstinatis,  
Et creditæ affaniæ,  
Et fabulæ aniles,  
Et populo infaniæ,  
Fucique pueriles.

57.

Hæc orbis prodigium?  
Sedes securitatis?  
Hoc populi præsidium  
Sit fax captivitatis?  
Hoc Regum diversorium  
Thronus felicitatis?  
Hoc gloriæ emporium  
Sit scopus vastitatis?

58.

Nulla vaticinantibus (a)  
Data fides Prophetis,  
Et vera prædicantibus  
Divinis è Decretis.  
Illum Dei conscripserat  
Quæ fata, Jeremias,  
Ios joathan cremaverat  
Et libros, Sedecias,

59.

Nulla putata omnia  
Prædicta in ruinam,  
Et Prophetarum somnia  
Reis in medicinam,

Iussit Deus quæ pandere,  
Ut mala præcaverent,  
Ut docti possent plangere  
Cautique pœniterent,

60.

Nec Principes, nec Populi,  
Nec Reges creâiderunt,  
Omnes cædis increduli  
Prophetas deriderunt,  
Ut hostis Urbis mania  
Portasque subintraret?  
Stulta visa est nãnia:  
Cui nemo fidem daret,

61.

Illam? Illam Ierusalem  
Chaldæa gens delebit?  
Cui totus Orbis similem  
Nec vidit, nec videbit?  
Arx illa, Sion, corruet  
Tam sacra, pulcra, fortis?  
Hostisque Templum polluet  
Sanctis eversum portis?

62.

Mem. vers. 13.

Ruet: ibit in cineres  
Urbs, Arx, Templum ex-  
ustum:

Rupti fossarum aggeres  
In unum cadent bustum:  
Propter Pseudo-flagitia  
Et culpas-prophetarum,

bb 5

Hæc

(a) Hugo, Rupertus. S. Thomas apud Cornel: ibid.

Hæc accident supplicia  
Pœnæque ærumnarum.

63.

Iusta vindictæ fulmina,  
Plectentis irritârunt  
Tot Sacerdotum crimina,  
Quæ rei perpetrârunt,  
Phassur, qui justum sangui-  
nem (b)  
Fundi à Rege fecit,  
Et in mortis caliginem  
Insontes tot conjecit.

64

Hi, qui Manassis frameas  
Egerunt in furorem,  
Secures, tela, lanceas  
Ut funderent cruorem,  
Tot innocentes perderent,  
In ore platearum,  
Probosque ferro cæderent  
In morem victimarum.

65.

Mystrarum Hæc improbitas  
Hanc fabam Urbi cudit,  
Hæc, iras, cælo, meritas,  
In Solyman effudit,  
Hæc catapultas mænibus  
Rumpendis applicavit,  
Palatia hæc ignibus  
Injectis cineravit.

(b) Sanchez apud Cornel. ibid.

66.

Nun. *vers.* 14.

Tot innocentum sanguine  
Infamiter polluti,  
Acti velut vertigine  
Luminibus exuti,  
Caci per urbis compita  
More Andabatarum,  
Errârunt per incognita  
Palpantes platearum.

67.

Exosi, execrabiles,  
Ab omnibus contempti  
A quibus inculpabiles  
Iustique tot perempti,  
Quos tortor conscientia  
Et seclerum reatus  
Vindex plectit, sententiâ  
Sibi latâ damnatus.

68.

Errârunt mente perciti  
Et velut entheati,  
Urbe capta perterriti,  
Afflicti, anxiiati, (c)  
Caci, & ob caliginem  
Et sordes, & fœtorem,  
Immundi, propter sanguinem  
Et funerum pœdorem,

69.

Ne syrmate contingerent  
Cadaverum lurorem,

(c) Sanchez, apud Cornel. ibid.

Affricu ne polluerent  
Stolæ mundæ candorem,

*Suas cauti lacinias*

Levantes tenuerunt,  
Netactu immunditias  
Contraherent, caverunt,

70.

Samech. *vers.* 15.

*Recedite, recedite,*  
*Polluti, infamati,*  
Nec mundos nos inficite  
Tabo contaminati,

*Recedite, discedite,*  
*Abite, clamaverunt,*  
Nec veste nos contingite,  
Quos culpæ infecerunt,

71.

Quæ rerum consternatio?  
Quod chaos animorum?  
Quæ Urbis perturbatio?  
Confusio virorum?  
Rixæ, clamores, jurgia,  
Convitia furentium,  
Et in cædes litigia  
Minorum & Potentium.

72.

Hos, inter Gentes, mancipes  
Abduci qui viderunt,  
Heros, servos, municipes  
Plorantibus dixerunt,  
*Non addet ultra Dominus*  
*Ut habitet in eis :*

Hic, pulsus esto terminus  
Exulibus Iudæis,

73.

Everfis Urbis manibus  
Igne ferroque stratis,  
Palatiorum ædibus  
Solo coadæquatis,  
Templo (Regnorum opibus)  
A Salomone, structo  
Divinis sanctum cultibus,  
Ad cineres reducto.

74.

Non amplius Encænna,  
Nec Tabernaculorum,  
Nec Palchatis Solemnia,  
Nec festa Sabbatorum  
Agentur! ad altaria  
Non victimæ cædentur,  
Sed aræ, & sacraria  
Profana diruentur.

75.

Fuit (dicetur) Solyma,  
Arx Sionæa fuit!  
Urbsurbium sanctissima  
Orbis Regina ruit:  
Ruit: nervo militiæ  
Suoque Marti fisa,  
Chaldeæ vi potentiæ  
(Quis crederet?) excisa.

76.

*Phe. vers.* 16.  
Excisa, turpi penitens  
Agone exspiravit.

Hosti-

Hostiles quis exercitus  
 In clades has armavit?  
 Chaldaicas quis acies  
 In bella concitavit?  
 Irati *Dei facies*  
 Infonnes vindicavit.

77.

*Hæc*, illos fecit exules  
 Dispergens inter gentes.  
*Hæc* fecit miserabiles,  
 Mœstos, gementes, flentes,  
*Hæc* vilis numi pretio  
 Triginta fecit vendi,  
 Et unico teruncio  
 Tot pro tributo pendi.

78.

*Hæc* illa vultus gratia  
 Quondam mitis, serena,  
 Amabili clementia  
 Et suavitate plena,  
 Prona in beneficia,  
 Longanimis in pœnas,  
 Tandem spirat supplicia  
 Iræque dat habenas.

79.

Nullò Sereno fidere  
 Frons micat plena minis,  
 Horrendo torva fulgure  
 Iustis intenta pœnis,  
*Non addet, ut respiciat*  
 Aut gemitus aut preces,

Æternum sed abiiciat  
 A se in stas neces.

80.

*Hæc* illa *Dei facies*  
 Acinaces vibrantis,  
 Hæc oculorum acies  
 Iræque fulminantis,  
 Iusto cæli iudicio  
 Compensat talionem.  
 Cùm læso sacerdotio  
 Immittit ultionem.

81.

*Sacerdotalem faciem*  
*Qui non erubuerunt,*  
 Sed horum in perniciem  
 Et cædes sævièrunt,  
 Nec veriti canitiem  
 Senum auctoritatem,  
 Nec venerandam speciem  
 Annorum dignitatem.

82.

Quos nulla reverentia,  
 Nec ordo dignitatis,  
 Nec vitæ innocentia,  
 Nec Lex immunitatis  
 A crimine deterruit,  
 In Iustos ne sævirent,  
 Sed impotentes acuit  
 Livor, ut Hos ferirent.

83.

In fœdos trusi carceres  
 Compedibus constricti,

Vates

Vates . ut falsi augures,  
Contriti & afflicti,

*Nulla in Senes gratia*

Ut fractis parceretur,  
Sed pari violentia  
In omnes ageretur.

84.

*Ain. vers. 17.*

Cum firmo pede civica  
Virtus armata staret,  
Et in flore Respublica  
Adhuc perseveraret,  
Cum viribus potentia  
Et armis valeremus,  
Opumque affluentia  
Nervoque polleremus.

85.

Ægyptiorum robore,  
Suppetiis securi:  
Forti staremus pectore  
In hostes ruituri,  
Vires juncturi viribus,  
Virtutibus virtutem,  
Latori pulsus hostibus  
Spe auxilii salutem.

86.

*Nostri delusi oculi*  
Spe opis defecerunt,  
Et consternati Populi  
Res, spesque perierunt,  
*Pana Regis auxilia*  
Nilotici ruerunt,

Et irrita consilia  
In auras abierunt.

87.

*Respicereamus avidi*  
Cum manum Pharaonis,  
Et legiones pavidi  
Armatae regionis,  
Attenti Mareoticæ,  
Quæ nos salvaret, genti,  
Fidentes opi bellicæ,  
Solatium ferenti.

88.

Nullum Memphis subsidium  
Adduxit, quod spondit,  
Et factis Pareoticum  
Promissum non respondit,  
Sic fides Pelusiaca  
Fefellit Solymæos,  
Et feritas Chaldaica  
Irrupit in Iudæos.

89.

*Sade. vers. 18.*

Cum feræ via clauditur  
Indagine silvarum,  
Canumque vi compellitur  
In vincula plagarum,  
Angustiata premitur  
Metuque verberatur,  
Effugiumque queritur  
Quâ viâ elabatur.

90. Sic

90.  
Sic undique ab hostibus  
Victoribus vallati,  
Clausis victorum ductibus  
Immaniter arctati,  
Pulsi, repulsi, fastibus  
Et taureis multati,  
Et intentatis mortibus  
Crudeliter vexati.

91.  
Coacti pulsi fugere  
Flagro tergum premente,  
Pes noster *in itinere*  
Cessit, gressu fallente,  
Lassa pedum vestigia  
Fugâ lubricaverunt,  
Et crura per effugia  
Lassata conciderunt.

92.  
Plateas quot rigavimus  
Fusi fonte cruoris!  
Quot vias purpuravimus  
Nostri testes doloris?  
Hoc omnium compendium  
Supremum est malorum,  
*Finis noster*, stipendium  
Tot criminum nostrorum.

93.  
*Finis noster*, & terminus  
Tandem appropinquavit,  
Quem nobis fixit Dominus  
Urbique destinavit:

*Finis venit*, qui censuit  
Menses, dies, & horas,  
Et in statera posuit  
Momenta, cursus, moras.

94.  
Coph. *vers.* 19.  
Solâ restabat, quærere  
Fugâ pressis salutem,  
Et miseram effugere  
Afflictis servitutum,  
Per devia, & in via,  
Per aspera viarum,  
Latebras, per tot tædia,  
Rimari ærumnarum.

95.  
Quêiscumque in latibus  
Fugaces abderemur,  
Et in petrarum angulis  
Occulti clauderemur,  
Omnes viarum orbitas  
Et oras indagavit  
Cata hostis sagacitas,  
Ac tectos exploravit.

96.  
*Fuere celi avibus*  
*Nostri persecutores*,  
*Et aquilus volucris*  
*Cursu velociores*,  
Equis, camelis, curribus  
Ubique nos secuti,  
Ut nec in summis montibus  
Sat lateremus tuti.

97. fer-

Peraru  
Et au  
Et tigr  
Hol  
Et in d  
In su  
Et in p  
Vigi  
  
Lugen  
Sang  
Qua te  
Fu  
Alt, q  
Plan  
Deflen  
Inte  
  
Post lu  
Cat  
Funest  
Epil  
Heu!  
In  
Noltra  
In a  
  
Christ  
Et  
  
(d  
ap

91  
+ 92



97.

Ferarum receptacula  
Et arduos recessus,  
Et tigris latibula  
Hostilis Mars ingressus,  
Et in desertis collibus  
Insidias paravit,  
Et in profundis specubus  
Vigilias locavit.

98.

Res. vers. 20.

Lugenda hæc, & fletibus  
Sanguineis ploranda, (d)  
Quæ tot calamitatibus  
Fuisse toleranda:  
At, quod multo damnosius  
Planctu dignum majore,  
Deflendum copiosius  
Intermino dolore,

99.

Post lugubres tragædias  
Catastrophes malorum,  
Funestas Urbis nœnias  
Epilogum malorum;  
Heu! nostri oris spiritus  
In nobis expiravit,  
Nostræque vocis sonitus.  
In auras exhalavit.

100.

Christus, idemque Dominus  
Et Rex, ab hoste captus

Velut fervorum minimus  
Vinctus in jugum raptus,  
Et in nostris, quæ fecimus,  
Peccatis mancipatus,  
Pœnæque, quam meruimus,  
Pro nobis castigatus.

101.

In umbratua, diximus,  
In gentibus vivemus,  
Ut quondam Tui viximus,  
Sic capti te colemus,  
Qui Tuo de peculio  
Pro nobis litrum pactus,  
Par nobis in exitio  
Pro servis, servus factus.

102.

Sin. vers. 21.

Gaude nunc Edom Filia,  
Gaude, plaude, letare,  
Insulta, & exilia  
Afflictis gratulare,  
Exulta, & tripudia  
Salsis fannis jocare,  
Opta mortes, excidia,  
De plagis jucundare.

103.

Nescis! heu nescis misera  
Quæ seges flagellorum,  
A Dei in te dextera  
Expectet vibrandorum,

Nescis

(d) Spiritu Prophetico de Christo hæc dicta asserunt SS. P. P.  
apud Corneli. ibid.

Nescis Dei consilia  
Et sena Decretorum,  
Et fata quàm crudelia  
Te maneat malorum.

104.

Pares Idume senties,  
Aut etiam majores,  
Mihî devotos centies  
Aut millies furores,  
Feres jocorum pretia  
Et sabbationum,  
Cum eadem te retia  
Claudent vastationum.

105.

Chaldæam feres frameam,  
Hussæ Inquilina,  
Multiplicemque tauream  
Superba Heroïna,  
Gemis sub jugo Gentium  
Et pressa lacrimabis,  
Serò, te affigentium  
Perfidiam damnabis.

106.

*Ad te quoque perveniet*  
Absynthii & fellis  
*Calix, quite inebriet*  
Pro dulci favo mellis,  
Bibes coacta nauteam,  
Bibes amurcæ facem,  
Vappam & undam luteam  
In tuam manceps necem.

107.

Superba nunc, *nec abberis*  
Ab hoste prostituta,  
Fortunis spoliaberis,  
Auro, gemmis exota,  
Pro fastu ignominiam,  
Pro gazis egestatem,  
Pro gloria infamiam  
Feres, & vastitatem.

108.

Thau. *vers. 2.*  
Tuæ, O Sion Filia  
Mensura pravitatis,  
Et innumerabilia  
Probra iniquitatis,  
Et Numinis iustitia  
Completa, te plectentia  
Et hostis inclementia  
Immanè savientis.

109.

Completus pœnæ terminus  
Tuique mancipatus,  
Quem tibi fixit Dominus  
Ob criminum reatus,  
Non addet ultra plectere,  
Non addet castigare,  
Si culpas culpis neclere  
Non addes, nec peccare.

110.

Non addet posthac, timens  
Ut transmirationem,

Aut peregrina lugeas  
 In terra mansionem,  
 In Dei reverentia,  
 Lege, cultu, timore,  
 Ejusque si præsentia  
 Stes, & agas amore.

III.

*Asi nunc & Edom Filia*  
 Te Numen *visitavit*,  
 Et paria supplicia  
 In te agglomeravit,  
 Hostiles iras senties  
 Et perferes machæras,  
 Vincita, mancépsque servies,  
 Quæ nuper Princeps eras.

III.

Iusto Dei judicio  
 Hostis, qui in Iudæos

Idem pari supplicio  
 Furet in Idumæos,  
 Namque *discooperuit*  
 Tua Deus peccata,  
 Tam diu quæ occuluit  
 Tandem manifestata.

III.

Hæc facta palàm omnibus,  
 Orbi toti patebunt,  
 Divinis ultionibus  
 Quæ posteros docebunt,  
*Quid sit Numen offendere,*  
*Ad iram provocare,*  
*Pro noxis pœnas pendere,*  
*Æternum exulare.*

## CAPUT QUINTUM.

### SYNOPSIS CAPITIS.

Hoc caput est quasi brevis iteratio & summa Threnorum. Sicut enim Rhetores in peroratione iterant, densantque ea, quæ rota oratione dixerunt, tum memoriæ tum motûs causâ, ut magis auditores moveant; ita & facit hic Jeremias. Inscríbatur hoc caput non in Hebræo, sed à septuaginta & nostro interprete ORATIO EREMIÆ. Nam primò, mala populo, ob peccata, à Deo illata, & in Threnis recensita, refricat, & summam enumerat; deinde orat pro misericordia, ut Deus populum in pristinum statum restituat. Hanc orationem Jeremias composuit post vastatam Jerosolymam, antequam

C c

quam